



Headlines

- प्रधानमंत्री नरेन्द्र मोदी होरें सौ प्रतिषत ग्राएं च खुल्ले च षौच थमां मुक्त ओडीएफ प्लस दर्जा हासल करने लेई जम्मू कष्मीर दी सराहना कीती ऐ।
- केन्द्री गृहमंत्री होरें आक्खेआ ऐ जे दफा 370 दे खात्मे मगरा केन्द्र षासत प्रदेश नै विकास दी नमिएं बुलंदिएं गी हासल कीता ऐ।
- उपराज्यपाल मनोज सिन्हा होरें सिविल सचिवालय श्रीनगर च महात्मा गांधी हुंदी प्रतिमा ते चरखे थमां पर्दा गोआड़ेआ ते आक्खेआ जे बर्तानवी हकूमत खलाफ संघर्ष च बापू होरें चरखे दी इक टकोहदे उपकरण दे रूपै च बरतून कीती।
- उपराज्यपाल मनोज सिन्हा होरें गांधी जयंति पर यूटी सतह दे कार्यक्रम गी संबोधत कीता ते राष्ट्रपिता होरें गी श्रद्धांजलि भेंट कीती। उनें आक्खेआ जे बापू हुंदे सुखने आला जम्मू कष्मीर बनाने आस्तै जतन कीते जा'रदे न।



PM-JK

प्रधानमंत्री नरेन्द्र मोदी होरें स्वच्छ भारत मिशन ग्रामीण चरण-2 दे मॉडल वर्ग च सौ फीसद ग्राएं गी खुल्ले च षौच थमां मुक्त ओडीएफ प्लस दा दर्जा हासल होने पर जम्मू कष्मीर दी सराहना कीती ऐ। सोषल मीडिया पर अपने इक सनेए च श्री मोदी होरें आक्खेआ जे स्वच्छ ते सेहतमंद भारत दी यात्रा आस्तै एह इक बड्डी गैह ऐ। केन्द्री गृह मंत्री अमित षाह होरें बी जम्मू कष्मीर दे लोकें गी मुबारकबाद दिक्ती ऐ ते आक्खेआ ऐ जे केन्द्र षासत प्रदेश नै दफा 370 दे खात्मे मगरा विकास दी नमिएं बुलंदिएं गी हासल कीता ऐ। उनें आक्खेआ जे केन्द्री स्कीमें गी हून जम्मू कष्मीर दे हर हिस्से च लागू कीता जा'रदा ऐ। उनें आक्खेआ जे राष्ट्र ते जम्मू कष्मीर च रौहने आले लोकें इस खित्ते च होई दी तब्दीली दा अनुभव कीता ऐ।



LG-Mahatma

उपराज्यपाल मनोज सिन्हा होरें सिविल सचिवालय श्रीनगर च राष्ट्रपिता हुंदी जयंति उप्पर श्रद्धांजलि दे तौरा पर महात्मा गांधी हुंदी मूर्ति ते चरखा स्थापना दा अनावरण कीता। उपराज्यपाल होरें गलाया जे ब्रिटिष षासन दे खलाफ लड़ाई च चरखे दा इस्तेमाल बापू होरें इक महत्वपूर्ण उपकरण दे तौरा पर कीता हा। एह स्वदेशी आंदोलन आत्मनिर्भता ते आर्थिक स्वतंत्रता दा प्रतीक ऐ। राष्ट्रपिता महात्मा गांधी होरें गी श्रद्धांजलि दिंदे होई उपराज्यपाल होरें गलाया जे बापू हुंदे आदर्ष पूरी मानवता दे कल्याण लेई न। उनें गलाया जे बापू जी हुंदे आदर्षे उप्पर चलदे होई जम्मू कष्मीर नै खाद्यी ते ग्रामीण उद्योग कमीषन-केवीआईसी दी मदद कन्नै 2021-22 च 21 ज्हार 640 विनिर्माण ते सेवा इकाइयां स्थापत कीतियां जेहदे राएं 1 लक्ख 73 ज्हार षा मते लोकें गी रोजगार दे मौके हासल होए ते पिछले माली ब'रे च 10 ज्हार 628 षा मतियां नमियां इकाइयां स्थापत कीतियां गेइयां न। उपराज्यपाल होरें ग्राएं दे समाजक आर्थिक विकास ते ग्रां च रवा'रदे लोकें दे जीवन च सकारात्मक बदलाव आन्नने दी केन्द्र षासत प्रदेश, प्रषासन दी वचनबद्धता गी इक बारी पही पक्का करदे होई गलाया जे बुनियादी सुविधाएं दे सरबंध च षैहरें ते ग्राएं मझाटै दा अंतर बड़ी हद्द तगर बड़ी हद्द तककर हुन खत्म होआ'रदा ऐ।



LG-UT

उपराज्यपाल मनोज सिन्हा होरें महात्मा गांधी जयंति पर अज्ज स्कूली षिक्षा मैहकमे पास्सेआ श्रीनगर च लाए गेदे यूटी सप्ताह दे कार्यक्रम गी संबोधत कीता। इस समारोह कन्नै प्रदेश दे स्कूलें च गांधी जयंति दे सरबंधै च म्हीने भरै थमां चलै'रदे कार्यक्रमें ते षांति यात्रा बी सम्पन्न होई गे। अपने भाषण च उपराज्यपाल होरें लोकें गी गांधी जयंति ते साबका प्रधानमंत्री लाल बहादुर षास्त्री हुंदे जन्म ध्याड़े दी बधाई दिक्ती। उपराज्यपाल होरें बापू होरें गी श्रद्धांजलि देने आस्तै 27 ज्हार विद्यार्थिएं आस्सेआ षांति यात्रा च हिस्सा लैने तांई उंदी सराहना कीती। उनें आक्खेआ जे बापू हुंदे सुखने आला जम्मू कष्मीर बनाने दे जतन कीते जा'रदे न। इस मौके उपराज्यपाल होरें महात्मा गांधी हुंदी षिक्षा ते बचारधारा गी बढ़ावा देने च बे-मिसाल कम्म करने आले मुख्य भरै दे गांधीवादी व्यक्तिएं गी सम्मानत कीता। समूलचे प्रदेश थमां षिक्षा इदारें वर्चुअल तरीके राएं इस कार्यक्रम च हिस्सा लैता।



Gandhi Jammu

महात्मा गांधी हुंदी 154मीं जयंति अज्ज समूलचे जम्मू खित्ते च बक्ख-बक्ख संस्थाएं, स्कूलें ते कालेजें च देष-भक्ति दी भावना कन्ने मनाई गई। जम्मू कश्मीर फारेस्ट रिसर्च इंस्टीच्यूट नै गांधी ग्लोबल फ़ैमिली दी सांझ भ्याली कन्ने मुबारक मंडी च प्रोग्राम दा आयोजन कीता जेह्दी प्रधानता जम्मू दे डिवीजनल कमीषनर रमेश कुमार ते पद्मश्री एस.पी.वर्मा होरें कीती। गांधी जयंति दे इस समारोह च डीडीसी प्रधान होरें बी शिरकत कीती। इस मौके बोलदे होई डिवीजनल कमीषनर होरें गलाया.....बाईट



Shanti Yatra

जम्मू दे डिवीजनल कमीषनर रमेश कुमार होरें अज्ज पद्मश्री पदमा सचदेव कालेज गांधी नगर च इक शांति यात्रा दा सुआगत कीता। इस शांति यात्रा च बड़ी मती गिनतरी च विद्यार्थिं, शिक्षकें, प्रिंसिपलें, हैडमास्टरें, जोनल शिक्षा अधिकारिं ते गांधी ग्लोबल फ़ैमिली दे मिबरें हिस्सा लैता। इस मौके उप्पर राष्ट्रपिता महात्मा गांधी होरें गी पुशपांजलि अर्पित कीती गई। शांति यात्रा गी 9 सितम्बर गी पुंछ थमां झंडी दस्सियै रवाना कीता गेआ हा।



Gandhi Jammu Division

महात्मा गांधी हुंदी 154मीं जयंति उप्पर अज्ज पूरे जम्मू प्रांतै च केई कार्यक्रमें दा आयोजन कीता गेआ। आईटीआई किष्वाड़ नै अज्ज स्वच्छता अभियान चलाया। पुंछ च कौड़ दी बमारी सरबंधी ध्याड़ा मनाया गेआ। स्वास्थ्य विभाग नै एएनएमटी स्कूल पुंछ च कौड़ दी बमारी सरबंधी जागृति प्रोग्राम ते इक सिम्पोसियम दा आयोजन कीता। उधमपुर च जिला प्रशासन आस्सेआ इक सैकल रैली दा आयोजन कीता गेआ जेह्दी उधमपुर दे दोमेल चौक षा बुरु होई ते पैहर दे बक्ख-बक्ख बजारें षा लंघी। दोमेल चौक उप्पर महात्मा गांधी हुंदी मूर्ति उप्पर पुशपांजलि अर्पित कीती गई ते प्रतिभागिं आस्सेआ स्वच्छता सगंध बी लैती गई। कटुआ च जिला स्वास्थ्य सोसायटी आस्सेआ पैहर च कौड़ दी बमारी षा मुक्त भारत उप्पर इक जागरूकता रैली दा आयोजन कीता। रामबन च बी गौरमैट डिग्री कालेज च गांधी जयंति देष-भक्ति दी भावना कन्ने मनाई गई। इस मौके उप्पर सांबा जिले च बी शिक्षा विभाग आस्सेआ गौरमैट हायर सकेंडरी स्कूल विजयपुर च बक्ख-बक्ख देष-भक्ति ते जागरूकता प्रोग्रामें दा आयोजन कीता गेआ।



Khatana BJP

भाजपा दे राज्यसभा दे सांसद गुलाम अली खताना होरें युवाएं गी आधुनिक शिक्षा ते दीनी तालीम दवै हासल करने आस्तै सख्त मेहनत करने दा आह्वान कीता ऐ। उनें आक्खेआ जे प्रधानमंत्री हुंदा लक्ष्य मुस्लम समुदाय ते खास करी पिछड़े वर्गें दी हालत सुधारना ऐ, जिनेंगी पिछले 70 बरें थमां फायदा नेई थ्हाआ। अज्ज भठिंडी जम्मू च इक महात्मा गांधी हुंदी जयंति पर लाए गेदे समारोह गी संबोधत करदे होई खताना होरें आक्खेआ जे प्रधानमंत्री नरेन्द्र मोदी होरें महात्मा गांधी हुंदे आदर्षे बारे पूरी सोच गी बदलेआ ऐ ते उंदे सुखने गी साकार कीता ऐ।



Gram Sabha

महात्मा गांधी हुंदी 154मीं जयंति दे मौके पर राजौरी जिले दी सरहानु पंचैत च इक खास ग्राम सभा दा सरिस्ता कीता गेआ। एह्दी प्रधानता राजौरी दे डिप्टी कमीषनर विकास कुंडल होरें कीती। समारोह च भागीदारी आले लोकतंत्र ते समुदायिक सषक्तिकरण दा पानदार प्रदर्शन कीता गेआ ते एह्दे च सरपंचें, पंचें ते मकामी बसनीकें हिस्सा लैता।



Environment Rally

गांधी जयंति दे मौके पर अज्ज डोडा च इक पर्यावरण रैली कड्डी गई। एह्दा सरिस्ता जंगलात ते पर्यावरण मैहकमे दी डोडा डिवीजन पाससेआ कीता गेआ। रैली दा मकसद पर्यावरण संरक्षण दे महत्व बारे जागरूकता बधाना ते महात्मा गांधी होरें गी श्रद्धांजलि भेंट करना हा। एह् रैली डोडा च जंगलात दफतरै थमां बुरु होई ते खेड्ड स्टेडियम पाससे रवान होई। रैली च लोकें प्लास्टिक दी पर्यावरण दे हितै आलिं चीजें दी बरतून बारे जागरूकता फैलाने आले बैनर चुक्के दे हे ते उनें जीवन ते पर्यावरण दे संरक्षण आस्तै बूहटें दे महतव पर बी लोह पाई।



JKP-Voilence

जम्मू कश्मीर पुलस दे सीआईडी दे विषेश महानिदेष्क आर.आर.स्वेन होरें अज्ज गलाया ऐ जे पुलस आम लोकें दे दिल ते दिमाग षा डर खत्म करने लेई हर मुमकन जतन करा'रदी ऐ ते आम लोकें च हिंसा पैदा करने आलें दे खलाफ बी लड़ाई जारी ऐ। श्रीनगर च जम्मू कश्मीर पुलस आस्सेआ आयोजत इक विषाल द्रोड़ दे कार्यक्रम दे बक्ख बाहरे पत्रकारें कन्ने गल्ल करदे होई स्पेशल डीजी होरें गलाया जे पुलस चुपचपीते अपने उस दुष्मन कन्ने लड़ा'रदी ऐ जेह्दा बाहरी समर्थन दा सहारा लै'रदा ऐ। उनं गलाया जे साडी लड़ाई निक्के करसानें, वकीलें, खतीबें, पत्रकारें ते आम लोकें लेई ऐ।



Search-Rajouri

सुरक्षा बलें राजौरी जिले च कालाकोट दे जंगलें च संदिग्ध नकलो हरकत दी सूह थहोने मगरा तलाषी अभियान षुरु कीता। खीरी खबरां थहोने तक्कर संदिग्ध व्यक्तिएं कन्नै कोई संपर्क नेई हा होए दा। होर ब्यौरे गी बलगेआ जा'रदा ऐ।



Painting Competition

अज्ज उदयवाला बोहड़ी च भगवान गोपीनाथ आश्रम च इक चित्रकारी प्रतियोगिता दा आयोजन कीता गेआ। एहदा उद्देश्य नौजवानें च नैतिक ते अध्यात्मक दी भावना गी बधाना हा। इस प्रोग्राम दी प्रधानता डॉ. पी.एन.ट्राइसल होरें कीती ते इस प्रतियोगिता च तकरीबन 300 बच्चें हिस्सा लैता।

